



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Vita Francisci Borgiae Tertij Societatis Iesv Generalis**

**Ribadeneyra, Pedro de**

**Mogvntiae, 1603**

XIX. Ad Cæsarem de bonis abdicandis mittit, Cardinalatus honorem fugit.

**urn:nbn:de:hbz:466:1-45256**

expianda iterum censuit. Nec foris solum se, lustrandis, obambulandisque locis sacris, oblectabat; domi etiam mirifice aspectu Patrum illorum, principum Societatis, & familiae auctoris Ignatij, recreabatur. Inter caetera verò plurima Romæ præclare gesta, illud ad æternitatem memorabile, ab illo prima esse Collegij Romani fundamenta iacta. Seminarium id omnium nationum quoddam est, eritque semper. Sed omnis ea laus Gregorio XIII. Pont. verè Max. Societatisque parenti optimo relicta cessit, ædibus, augustoque ludo exædificatio.

## CAPVT XIX.

*Ad Cesarem de bonis abdicandis mittit, Cardinalatus honorem fugit.*

F 2

OPTA

OPTABAT FRANCISCUS  
 aetatem Romæ diutius a-  
 gere, & nusquam alibi libentius  
 consensere; tum ob loci san-  
 ctitatem, religionemque; cum  
 ob Ignatij innocentissimi viri  
 mores. Optimum itaque factum  
 duxit, suis sese Fortunæ bonis, ti-  
 tulusque exspoliare; quo pietati  
 commodius operam daret. Igi-  
 tur è domesticis vnum Gaspa-  
 rem Villalonum ad Casarem  
 Carolum, qui tum in Germania  
 res gerebat, cum litteris seu sup-  
 plice Libello allegat: bona illius  
 venia filio natu maximo, Lom-  
 bayæ Marchioni, Gandiæ ditio-  
 nem concedere, titulosque lice-  
 ret, rogat. Gratum id sibi, acce-  
 ptumque fore, qui colligere se  
 ipse, & abdere vellet. Societa-  
 tis IESU familiam potissimum  
 dilegisse, in qua reliquum vitæ  
 cur-

curriculum consumeret; nuperam quidem illam, sed ut ceteras, ab origine calidioram, maioremque in dies futuram. Litterarum exemplum, ut cum voluptate simul & utilitate legatur, adscribam. Quando pridem opere exoptarim; *Cesar Auguste. tuum in Italiam aduentum, ut que nunc litteris absens coram postulare, vni Deo notum est: cui quando ita visum, ne merito meo voti compos fierem, ratam ipsius, ut debeo, vcluntatem habeo. Et cum absentem me, non minus quam si presens essem, sensa mentis explicaturum confidam; idcirco, ut mentis interpretatio est, & vicissim orationis scriptura, hac utar, quando illa, in tanto loci interuallo, non licet. De me sic habeto: peccatorem me ingenue confiteor, ceterisque offendiculo aulicis fuisse, cum in regia tua versa-*

rer; cuius delicti gratia nullam de-  
 trecto pœnam à DEO cali Rege, nec  
 abste, qui in terris imperas. Ille mi-  
 sericordiarum parens, toties infero-  
 rum cruciatus meritis cum sim, ad  
 hunc diem, incredibili patientia,  
 mansuetudine, benignitate susti-  
 nuit me, quo resipiscerem, in viam-  
 que redirem: tempusque largitus  
 est, ut quanta illius essent in me be-  
 neficia; quot, quantaque mea in il-  
 lum iniuria, tempestiue animaduer-  
 terem. Hæc ipse dum considero, iam  
 inde à coniugis morte Leonora,  
 quattuor ipsos annos, multisque, et  
 gratia fufis à pijs viris precibus ad  
 DEVM, creuit vita nouæ cupidi-  
 tas in dies, & quasi depulsa mentis  
 oculis caligine, terrena omnia de-  
 spicatur ducere cœpi. Nunc, licet in-  
 dignus sim Dominica vineæ cultor  
 futurus; præsertim cum tam sero  
 accesserim, & vites olim, quas alij  
 plan-

plantarunt, euellere studuerim;  
 DEI tamen benignitate, Societa-  
 tis IESV sacerdotes me in ordi-  
 nem suum, nullo meo merito, ad-  
 miserunt. In qua quidem etsi iam  
 pridem degere, & emori exopto;  
 prohibitus sum tamen, dum boni  
 parentis officium expleo, filiisque  
 abunde consulo: qua cura post v-  
 num, & item alterum menssem se-  
 mel me expediam. Quamobrem,  
 maxime Caesar, bona tua venia, id  
 mihi liceat, quia cliens tuus, & e-  
 questris D. Iacobi ordinis, rogo, vt  
 quod reliquum est vite spacium,  
 perbreue illud quidem, at in lucro  
 deputandum, ita transigam, quo  
 anteaactae vite iacturam, dignis pœ-  
 nitentia fructibus, DEO bene iu-  
 uante, sarciam; præterita errata cor-  
 rigam, presentia pericula fugiam,  
 futura euitem. Et si quid in hac  
 ipsa vita melioris forma profecero,

equidem dabo operam, vt sacris a-  
 stans altaribus, re diuina, atque in  
 iuniis assidue pro imperij tui incolu-  
 mitate vota faciam, & pro tua salu-  
 te, à qua & multorū pendet, DEVM  
 precer: vt qui nuper de Turcis, &  
 hereticis victoriam tibi concessit, de-  
 idem, vt te ipse vincas, que sane vin-  
 cendi ratio, vt difficillima, ita est &  
 vtilissima, maximeque laudabilis:  
 denique amoris te diuini ignibus in-  
 flammet, idque assidua meditatione  
 cruci tuum CHRISTI; vt iure  
 cum Apostolo dicere possis, Mihi ab-  
 siu gloriari, nisi in Cruce Domini  
 nostri IESU CHRISTI. Illi  
 qui crucis dolores pro nobis tulit  
 CHRISTVS, te quam diutissime  
 Reipub. Christiana seruet incolumē.  
 Dat. Roma A. D. XV III. Kal. Feb.  
 clo. Io. Li.

Dum Cæsaris iussum exspe-  
 ctat, sparsum iam in vulgus erat,  
 mu-

Galat. 6.

LIBER PRIMVS. III

mutasse FRANCISCVM viæ  
statum in melius. Quare cogni-  
ta Pont. Iulius FRANCISCVM  
(quod antea metuerat, vt Romã  
idcirco proficisci cunctaretur)  
Cardinalium collegio adscribe-  
re cupiebat. Ille verò tristi num-  
cio tam exhorruit, quam cupide  
quidam honorem illum conse-  
ctantur, & captant. Itaque Igna-  
tio visum est expedire subito  
FRANCISCVM Roma disce-  
dere, vt Pontificis oculis subdu-  
ctus, fuga se honoribus eriperet.  
Igitur iisdem Sociis, quibuscum  
Romam ex Hispania venerat,  
cum vix quatuor menses in vrbe  
mansisset, in Hispaniam reuer-  
tit. Hic, vt erat solitudinis in pri-  
mis amans, p̄ ocula vulgi strepi-  
tu agere cum vellet, Guipuzco-  
am, Cantabriæ Prouinciam, se-  
dem sibi delegit: cum quod



pauciores eam oram haberent; tum quod Ignatij natale solum id esset. Hispanias itaque simul attigit, recta in Cantabriam tendit: domumque Loyoleam ingressus, locum percunctando studiosè quæsiuit, quo loco primum natus terram contigisset Ignatius. Hic terræ osculum, postibusque figere: DEO gratias agere, quod eo loci, tam utilem orbi terrarum virum nasci voluisset, seque tanti magistri discipulum fecisset. Igitur re diuina audita, sumptaq; Eucharistia, Ognatum discessit; oppidum id Loyolea domo tertio abest lapide. Hic Petrus Michaelius Araoz ædes aliquot Societatis collegio exædificando moriens testamento legarat. Hinc comitum nonnulli variè dimissi, in suas prouincias remigrarunt:

runt: alij in FRANCISCO con-  
tubernio cum Ioanne filio, hæ-  
serunt.

## CAPVT XX.

*Pace Cæsaris titulis sese abdicat.*

**N**EC diu factum est, cum  
Gaspar Villalonus è Ger-  
mania redox, Cæsaris litteras  
FRANCISCO attulit: qua-  
rum hoc exemplum est. Tuas mi-  
hi, Dux Borgia, reddidit Gaspar Vil-  
lalonus, cliens tuus. Quamuis san-  
ctum, piūque id consilium tuum,  
vitæq; institutū, quo secedere, ac te  
colligere vis, vt terrena celestib. per-  
mutes: (quis enim nisi impius id ne-  
gauerit?) angit tamen nonnihil nos,  
te carendū quod erit. Verum mea i-  
pse morem gerere cupiditati, cōmo-  
daque mea tuis antepone, nec volo;  
nec, si velim, possum. Potestatem  
itaque facio libens, volensque, vt

Ca-